

آبونه شرافتی : هر يک آيون
سنه لکي (٤٠٠) التي ايلني
(٢٢٥) ممالک اجنيه ايجون
سنه لکي (٤٥٠)، آلي آيلني
(٢٥٠) غروشد.

نسخه سي ٧,٥ غروشد.
سنه لکي ٥٢ عدد در.

اداره خانه : باب عالي جاده سنده
رشيد افندي خاتمه

اخطارات
آبونه بدلي پشندر.


مسلكه موافق آثار مع المنونيه
قبول اولنور . درج ايدلني
يازير اعاده اولنماز .

والله يهدي من يشاء الى صراط مستقيم

باش محرر
محمد حاكف

صاحب و مدير
اشرف اديب

اتبعون اهدكم سبيل الرشاد



افندي مي پيشنهاد آيون
غروش كوندر لمليد ر.

مكتوبلرك امضالري واضح
واوقوناقلي اولسي وآبونه
صره نومروسي محتوي
بولونسي لازمدر

ممالک اجنيه ايجون آبونه
اولنورك آدرس لرينك
فرانسجه يازلسي رجا اولنور.

پاره كوندر لدكي زمان نهيه
داثر اولديني بيلديرلسي
رجا اولنور

مقوق عائله

پروژه سی مراسم مخصوصه ابد انقره به کونور دیور

بچن دوره اجتماعیه ده ، احکام فقهیه به مستنداً تنظیم اولونوب مجلسه تودیع اولنان حقوق عائله لایحه قانونیه سی بالآخره کری آلنهرق استانبولده تشکیل اولونان بر قومیسون معرفتیه و ضرب حقوقه مستنداً یکی بر حقوق عائله قانونی لایحه سی حاضر لایحه ده اولدینغی غزته لر یازمشدی . حق کچلرده قومیسون رئیس حاجی عادل بک احکام شرعیه به مخالف اولهرق وضع ایتدکاری بعض یکی احکام حقنده غزته جیلره بیانده بولونمشدی ده بزده بونک اوزرینه مطالعاتی درمیان ایتمش ، هیچ کیمسه نله احکام شرعیه بی تبدیل و تحویله هیچ برحق و صلاح حق اولمادیغی و اوله مایه جغنی سویله مشدک .

اخیراً ، بو قانون لایحه سنک منا کحات و مفارقاته عائد قسملرینک اکیل ایدلدیکنی و سرعتله مجلسدن کچریلک اوزره آنقره به کوندریلدیکنی غزته لر یازیور . مذکور قانون پروژه سی کونورن قومیسون رئیس حاجی عادل بکله برلکده عینی قومپارتیمانه تصادف ایدن وطن غزته سی صاحی احمد امین بک بو پروژه نک واغونده مصطفی فوزی افندی به ویریلدیکنی و بومناستله آرده جریان ایدن بر محاوره بی نقل ایدیور . مصطفی فوزی افندی معلومدر : مغنیمه معونی ، شرعیه و کالینک الفاسی و مدرسه لرک تمللری قازیلدیغی زمانده شرعیه و کیلی ایدی .

وطن صاحی ، معهود پروژه نک واغونده کی تقدیم مراسمی شو صورتله حکانه ایدیور :

« حاجی عادل بک عائله قانوننک پروژه سی ، عدلیه و کالنته تودیع ایدیلک اوزره موملی قوجه بر ظرف ایچنده ، بخله عینی قومپارتیمانه بولونان افندی به ویرکن اوق بر تردد دقیقه سی کچیدی :

— قومپارتیمانه امینمی ؟ دییه صوری .
— حوادث عشق ، مهرلی ظرفی آچه حق درجه به واریری ؟
— جواب ویرمده دن اول بر کره احمد شکری بکه دانیشمق ایست

دیلمک ، سنه دئیری جاری و نافذ اولان بر قسم احکام شرعیه سی عائله سی اقامه ایدن معهود پروژه قرمزلی مومله مهرله کونور دیور و مصطفی فوزی افندی به واغونده تسلیم ایدیلدی . بونک اوزرینده بابانجی اولوب اولمادیغی حقنده اطرافه باقینیلور . دقیقه سی کچیریلیور ، امنیت وارمی ؟ دییه صوریلیور ، رئیس سوریه صرک شرعیه و کیلنه تودیع اولونیور . قومیسون رئیس نیچون طوغروذن طوغرویه کنیدیسی عدلیه و کیلنه تقدیم ایتمیورده مصطفی فوزی افندی بی توسط ایدیور ؟ بونک حکمتی بالآخره آکلاشیله جقدر .

وقتیه ، دور سابقده حاجی عادل بکک بوکون کورمکده اولدینغی وظیفه بی باشقه بر ذات ایضا ایدیوردی . او ذات بوکون ینه مجلسده در . محاکم شرعیه نک مشیختدن قطع رابطہ سی قرار لاشدیریلدیغی زمان بو ایشلرک اری اولان او ذات شریف مجلس مبعوثاندن مجلس اعیانه کچیریلشدی . نه غریبدرکه محاکم شرعیه نک بوسبوتون الفاسی ده اونک زمان و کالنده اولدی . او زمانلر حاجی عادل بک استادمز باشقه ایشلرله مشغولدی . کیم ظن ایدردی که برکون کلوبده بر قسم احکام شرعیه یرینه فرانسز حقوق عائله سی اقامه ایدن قومیسونیه حاجی عادل بک رئیس اوله حق و کنیدیسنه تودیع ایدیلن وظیفه بی کاهی حقها ایفالدیرک حاضر لانان اثر معرفتی مهرلی ظرفده بالذات انقره به کوندره جک ؟ حاجی عادل بک حاضر لانان پروژه نک نه ماهیتده اولدینغی بیلدیکی ایچون مصطفی فوزی افندی به تودیع ایدرکن اطرافه باقینور ، امنیت حالنده اولوب اولمادیغی صوریلیور ، آرده بابانجی اولمادیغی قناعی حاصل اولدقدن صوکره پروژه بی دیگر بر محرمه تودیع ایدیور .

قرمزلی مومله مهرله ن بو پروژه بالطبع یاقینده ملت مجلسنه کله جکدر ؛ بر قسم احکام شرعیه یرینه اقامه اولونان فرانسز حقوق عائله احکامی بوتون ملت کوره جکدر . بو خصوصده مبعوثان کرام نه دییه جکدر ، بیلیمورز ، فقط هر حالده پروژه نک ثقلتی نارین اوموزلری شیمیدین حس ایتمکه باشلامش اولسه کرکدر . نه غریب مظهریتلری وارمش ! الله جله منزلی طریق حقندن آیرمایه . . .

* *

ملت کرسیسنک اوزرینه کی آیت کریمه ایشیریلدیمی ؟

ملینک آنقره مخبر مخصوصی یکی بویوک ملت مجلسی بناسندن بحث ایدرکن کرسیسنک بالاسنده (و امرهم شوری بینهم) آیت کریمه سی محتوی لوجه نک ، یاننده کی آرقداشک تحفنه کیتدیکنی سویلیور : « بویوک ریاست کرسیسنک تام اورته سنده قوجه مان کوموش برچاک واره . دیدکدن صوکره دیوارده کی آیت کریمه حقنده شویله دییور : « کرسیسنک آرقه سنده یاننده کی بر آرقداشک تحفنه کیدن برلوحه : و امرهم شورا . . . »

حریت و دمه موقراسینک روحی اولان بو دستور قرآنک مخبرک یاننده کی آرقداشک نه دن تحفنه کیتدیکنی آکلایه مادیق . « ریاست کرسیسنک تام اورته سنده بولونان قوجه مان کوموش چاک » تحفنه کیتمیورده حقیقی مؤمنلرک شعارلری اولان مشورت حقنده کی آیت جلیله تحفنه کیدیور !

§ فرداسی کونی ایشار ایدن صوکره تلغراف غزته سنده ده شویله بر فقره نشر اولوندی :